

LANDSRECHERCHE CLAP PA CUMINZA OPERA



ORANJESTAD (AAN): Dentro di poco, oficialmente Landsrecherche lo cuminza funciona oficialmente. Segun informe ya pa algun luna caba den despacho di Landsrecherche Aruba, den Wilhelminastraat, tin movecionnan ta tumando lugar.

Algun persona for di Hulanda ya lo a yega pa pone esaki riba pia. E despacho aki lo bay cay directamente bao di Procurador General. Mientras tanto alto funcionario Van der Straten lo ta encarga pa pone e oficina funciona.

Mientras tanto tin algun agente local ta ocupa e oficina caba temporalmente. Fuentenan yega na DIARIO a duna di conoce cu tin carta di solicitud lo a sali pa varios departamento di gobierno pa esnan cu lo tin un nivel academico policial lo por solicita.

Tin fuerte indicacion cu Stanley Zaandam lo por ta e possible candidato como partner di Van der Straten, na

e momentonan aki, Sr. Zaandam lo ta fungi como coordinador di ministerio di Trafico y Comunicacion. Ta intencion cu e minister encarga cu e funcion lo kier nombra otro personanan como coordinador.

Ya caba Sr. Pieters na final di e luna aki lo regresa pa departamento di Aeronautica Civil, na unda e tabata ocupa e funcion como director di dicho departamento.

Un possible candidato como counter partner lo por ta Halto oficial di Polis Sr. Hugo Kock, te asina leu DIARIO por a averigua e lo ta cu vacation y ta director di KIA te na e momentonan aki. Lands Recherche su funcion lo ta pa investiga henter e aparato di ambtenaar, entre otro Polis, Douane, Setar, belasting, DOOV, Domeynbeheer, Kadaster, Lands laboratorio, Aeropuerto, Setar, DOW, enfin tur local cu ta cay bao di gobierno, hasta Ministronan si ta posible lo worde investiga.